

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1 71 000 Sarajevo

ID broj: 4200667410006

koju zastupa načelnik Fikret Jašarević (u daljem tekstu Kupac)

i

DEFTER d.o.o. Sarajevo

Gatačka 20, 71 000 Sarajevo

ID 4200303990007

koga zastupa direktor Refik Redžović (u daljem tekstu: Prodavac)

zaključili su

OKVIRNI SPORAZUM O NABAVCI I ISPORUCI NAPITAKA ZA POTREBE KANTONA SARAJEVO U 2021. GODINI

Član 1.

Ovim Okvirnim sporazumom ugovorne strane utvrđuju prava i obaveze vezana za nabavku i isporuku napitaka iz prodajnog programa prodavca u skladu sa ponudom broj: 642/2020 od 12.10.2020. godine, 17-11-39628 od 13.10.2020. godine, dostavljene po pozivu za ponudom za nabavku i isporuku napitaka za potrebe Kantona Sarajevo (u daljem tekstu: Ponuda).

Prodavac se obavezuje vršiti prodaju proizvoda iz stava 1. ovog člana Kupcu, a Kupac plaćati iste proizvode prema odredbama ovog Okvirnog Sporazuma, a u skladu sa cijenama koje su date u gore navedenoj ponudi, koja je sastavni dio ovog Okvirnog Sporazuma.

Član 2.

Prodavac se obavezuje da će isporuku proizvoda iz tačke 1. ovog Okvirnog Sporazuma vršiti **franco skladište Kupca u roku od jednog dana** od dana ispostavlja narudžbenice.

Član 3.

Kupoprodaja proizvoda iz ovog Okvirnog Sporazuma obavljat će se po cijenama i kvalitetu prihvaćenim u Ponudi.

Član 4.

Ukupna vrijednost ovog Okvirnog sporazuma iznosi:

Vrijednost Ugovora bez PDV-a 28.742,00 KM

PDV 17 % 4.886,14 KM

Vrijednost Ugovora sa PDV-om 33.628,14 KM

Slovima: (tridesettrihiljadešeststotinadvadesetosam i 14/100 KM).

Član 5.

Ugovorne strane su saglasne će u okviru ovog Okvirnog sporazuma zaključivati pojedinačne ugovore kao osnov realizacije ovog Okvirnog sporazuma.

Isporuka proizvoda vršit će se na osnovu zahtjeva Kupca, koji će svoje potrebe za proizvodima iskazivati kroz zahtjeve za ponudom i ispostavljanjem narudžbenica za svaku prihvaćenu ponudu, a koje moraju biti ovjerene i potpisane od strane ovlaštene osobe Kupca.

Član 6.

Kvalitativni i kvantitativni prijem proizvoda iz ovog Okvirnog Sporazuma Kupac se obavezuje obaviti odmah po prijemu robe. Ukoliko se utvrde kvantitativne razlike, odnosno utvrdi se oštećenje primljenih proizvoda ili ako se ustanovi da kvalitet robe ne odgovara uzorku dostavljenom po oglasu, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

Roba prilikom isporuke mora imati minimalan rok upotrebe još 6 (šest) mjeseci, izuzev mlijeka (stavka 17.) sa minimalnim rokom još 3 (tri) mjeseca.

Član 7.

Prodavac je dužan da odmah po dobijanju zapisnika sa utvrđenim nedostacima, provjeri istinitost predočenih navoda i ukoliko se potvrdi tačnost iznesenih argumenata, dužan je „odmah“ a najduže u roku od 48 sata otkloniti nedostatke (izvršiti zamjenu). Ukoliko to ne učini Kupac zadržava pravo da u roku od 24 sata jednostrano raskine ovaj Okvirni Sporazum i o tome pismeno obavijesti Prodavca, a isporučenu nekvalitetnu (neadekvatnu) robu vrati prodavcu.

Također, Kupac zadržava pravo jednostranog raskida Okvirnog Sporazuma ukoliko se utvrdi da prodavac ne poštuje rokove isporuke robe, odnosno ukoliko se utvrdi da Prodavac svjesno krši bilo koju ugovorenu stavku ovog Okvirnog Sporazuma.

Član 8.

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom – zapisnikom, uz obavezu navođenja broja i datuma otpremnice i računa Prodavca, kako bi se zadovoljili uslovi reklamacijskog roka od 8 dana.

Član 9.

Prodavac će fakturisati isporučene proizvode po cijenama iz Ponude.

Prodavac se obavezuje da će fakture za isporučenu robu ispostaviti u roku od jednog dana od dana isporuke.

Član 10.

Kupac se obavezuje platiti fakturu prodavcu u roku od **60 (šezdeset) dana** od dana prijema fakture.

Član 11.

Prodavac nema pravo da zapošljava, u svrhu izvršenja Okvirnog sporazuma o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Okvirnog sporazuma o javnoj nabavci, najmanje šest mjeseci po zaključenju Okvirnog sporazuma.

Član 12.

U slučaju da ugovorna strana ne bi mogla djelomično ili u potpunosti ispuniti svoje obaveze zbog više sile, dužna je o tome odmah pismeno obavijestiti drugu ugovornu stranu. Viša sila su svi uzroci i događaji, na koje ugovorne stranke ne mogu uticati, nisu ih mogle predvidjeti niti spriječiti.

Ako viša sila traje duže vremena, pa je time otežano ili onemogućeno ispunjavanje ugovornih obaveza duže od 90 dana, svaka ugovorna strana može raskinuti ugovor. Ugovorna strana koja snosi posljedice više sile, dužna je na zahtjev druge ugovorne strane dostaviti dokaz o tim posljedicama.

Član 13.

Ugovorne strane su saglasne da će sve izmjene i dopune ovog Okvirnog Sporazuma regulisati samo potpisivanjem dodatnog okvirnog sporazuma, nakon provođenja ZJN propisanih procedura.

Član 14.

Ovaj Okvirni Sporazum stupa na snagu danom potpisivanja i vrijedi u periodu od potpisivanja do 31.12.2021. godine, sa mogućnošću produženja istog za najduže godinu dana, pod istim uslovima.

Član 15.

Ugovorne strane mogu jednostrano otkazati Okvirni Sporazum pismenim putem sa otkaznim rokom od 15 dana.

Član 16.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 17.

Ovaj Okvirni Sporazum sačinjen je u 4 istovjetna primjerka od kojih po dva primjerka pripadaju svakoj ugovornoj strani.

KUPAC:



Broj: 17-11-35700-17/20
Datum: 26.01.2021. godine

PRODAVAC:

DEFTER d.o.o.

Direktor

Refik Redžović



Broj: 956/21
Datum: 03.02.2021